

FAAFINTA

RASMIGA

الرسمية



الجريدة

## DAWLAD PUNTLAND EE SOOMALIA

لولاية أرض بونت الصومال

Sanadka 14-aad. Garowe, September 2, 2012

Lam.9

Faafinta bil walba soo baxda

جريدة الشهرية

### Qaybta Faafinta Rasmiga ah ee Madaxtooyada Dawladda Puntland

Qiimuhu waa Sh.So 10,000 rukun walba . Sanadkii waa Sh.So 170,000 dalka gudihiisa, dalka dibaddiisa Sh.So 500,000 rukunka la waydiisto, waqtiga loo gooyay wuxuu ka bilawdaa 1-da January. Qiimaha qoritaan F.R halkii sadar iyo wixii ka yar waa Sh.So 3,000, rukunka iyo qoritaanka waxaa la waydiistaa qeybta maamulka Faafinta rasmiga ah. Lacagta waxaa lagu bixinayaa xafiiska canshuuraha barriga ee wasaaradda maaliyadda.

### TUSMADA

#### Qaybta Koowaad Sharci

#### Qaybta labaad

#### Xeer

#### Waxba ma leh

#### Qeybta Saddexaad

Talooyin, Isgaarsiin, Ogaysiis, Iidheh IWM.

Waxba ma leh

*Sharci Lr 2. ee 02/09/2012, kuna saabsan Xeer Ururada/Xisbiyada Siyaasadeed ee Puntland.*



PUNTLAND STATE OF SOMALIA

Sharci Lr 2. ee September 2, 2012, kuna saabsan Xeerka  
Ururada/Xisbiyadda Siyaasadeed ee Puntland.

Madaxweynaha Dawladda Puntland

Markuu arkay: Dastuurka Dawladda Puntland qodobkiisa 80-aad

Markuu arkay: Ansixinta Golaha Wakiilada Puntland ee Summad  
XGGW/DPL/86/2012 ee 02/09/2012.

Markuu tixgeliyey: Muhiimadda xeerkan u leeyahay Dawladda Puntland

**Wuxuu soo saaray**

Xeerkan soo socda:

**Qodobka 1-aad**

Golaha Wakiiladu waxay ansixiyeen xeerka Ururada/Xisbiyada  
Siyaasadeed ee Puntland.

**Qodobka 2-aad**

Nuqulada asalka ah (Original) waxaa lagu kala keydinayaa  
Xafiiska Madaxweynaha, Xafiiska Xoghayaha Guud ee  
Baarlamaanka iyo Xafiiska Garyaqaanka Guud ee DPI


**Qodobka 3-aad**

Dhaqangalka xeerkan wuxuu noqonayaa maalinta Madaxweynuhu  
saxiixo, kadibna lagu saaro faafinta rasmiga ah ee Dawladda  
Puntland, kaas oo laga baahinayo idaacadaha iyo jaraa'idka, ka dib  
ayaa xeerkan sharci noqonayaa, cid kastaba oo wajibi ku tahay  
inuu dhawro kuna dhaqmo xeerkan.

Dr. Cabdiraxmaan Maxamed Maxamuud  
Madaxweynaha Dawladda Puntland



DAWLADDA PUNTLAND  
EE SOMALIYA



PUNTLAND STATE OF  
SOMALIA

GOLAHA WAKIILADA

HOUSE OF REPRESENTATIVES

*Xafiiska Guddoomiyaha*

*Office of the Speaker*

Ref:- XGGW/DPL/ 86 /2012 Garoowe, Axad Date:- 02/09/2012

Ku:- K/S Madaxweynaha ahna Madaxweyne ku xigeenka DPL Garoowe

Ujeeddo:- Ansixin wax ka bedelka Xeerka Ururada/Xisbiyada Siyaasadeed

***Guddoomiyaha Golaha Wakiilladu:***

MARKUU ARAKAY: Dastuurka DPL Qodobkiisa 64-aad  
MARKUU ARKAY: Soo gudbinta K/S Madaxweynaha ee  
MWk/DPL/629/2012 ee 28/08/2012 kuna  
saabsan wax ka bedelid Xeerka  
Ururada/Xisbiyada Siyaasadeed ee Puntland.

MARKUU TIXGELIYEY: Baahida loo qabo Xeerkan

MARKUU DHEGAYSTAY:- Doodii iyo Go'aankii Golaha Wakiilalda

***WUXUU GUDDOOMIYEY:***

Ansixinta wax ka bedelka Xeerka Ururada/Xisbiyada Siyaasadeed ee Puntland

**Allaa Mahad Leh**

**Cabdirashiid Maxamed Xirsi**

**Guddoomiyaha Golaha Wakiillada**

[www.puntlandparliament.org](http://www.puntlandparliament.org)

Gmail:- [puntlandparliament@gmail.com](mailto:puntlandparliament@gmail.com)



**DAWLADDA PUNTLAND**



**PUNTLAND STATE OF**

**EE SOMALIYA**

**SOMALIA**

---

**XEERKA URURADDA/XISBIYADDA  
SIYAASADEED EE DAWLADDA  
PUNTLAND**

***September 02.2012***

## Qodobka 1-aad Macnaha Ereyada

1. **Guddi:** Waxa loola jeedaa Guddiga Doorashooyinka Puntland ee ku meel gaarka ah (GDP-KMG) oo u xil saaran diiwaangelinta ururrada siyaasadeed ee daneynaya in ay ka qaybgalaan doorashooyinka degaannada Puntland.
2. **Gobol/Degmo doorasho:** Waxa loola jeedaa gobollada iyo degmooyinka Puntland ee loo asteeyay in doorasho ka hirgasho.
3. **Dawladda:** Waxa loola jeedaa Goleyaasha Dastuuriga ah ee Puntland kuwaasoo kala ah:
  - Golaha Wakiillada
  - Golaha Fulinta
  - Golaha Garsoorka
4. **URUR SIYAASADEED:** Waxa loola jeedaa unug is-abaabul bulsho ee siyaasadeed loona diiwaangeliyey ka qaybgalka doorashada dawladdaha hoose inta aan loo aqoonsan xisbi siyaasadeed.
5. **XISBI:** Waxa loola jeedaa urur siyaasadeed oo doorashada degaan kaddib loo ansaxiyey inuu yahay Xisbi qaran oo xaq u leh inuu ka qaybgalo tartanka doorashada guud ee Golaha Wakiillada.
6. **SHISHEEYE:** Waxa loola jeedaa cid kasta ee aan ahayn muwaadin sharci ah ee Puntland, sida ku cad qodobka 5-aad ee Dastuurka Puntland.
7. **WARBAAHINTA:** Waxa loola jeedaa idaacadaha (maqalka keliya leh ama maqal iyo muuqaalba leh), wargeysyada, dokumentariga, goobaha leh minbarro laga hadlo iyo qalab kasta ee loo adeegsado baahinta codka ama warka.
8. **HANTI QARAN:** Waxa loola jeedaa hantida gurrada ah ama tan maguurtada ah oo ay leedahay Dawladda Federaalka ama dawladda Puntland.
9. **FOOMKA CODSIGA:** Waxa loola jeedaa foom gaar ah ee uu bixiyo Guddiga Doorashooyinka Puntland ee KMG oo lagu buuxiyo warbixinnada iyo caddaymaha laga doonayo ururrada codsaday diiwaangelinta.
10. **DOORASHADA:** Waxa loola jeedaa tartanka loo galayo doorashada golaha wakiilada iyo kuwa degaanka.

## QODOBKA 2-aad

### Qabashada Codsiyada Diiwaangelinta

- 2.1 Guddiga Doorashooyinka ee KMG wuxuu ku baahinayaa warbaahinta dalka bilowga muddada qabashada codsiyada diiwaangelinta ururada siyaasadeed iyo dhammaadka qabashada codsiyada diiwaangelinta iyo cinwaannada lagu soo hagaajinayo ee xarumahe gobollada iyo degmooyinka dalka.

2.2 Urur kasta oo doonaya in loo diiwaangeliyo urur siyaasadeed waa inuu ku soo qortaa arji foomka loogu talagalay, kuna soo hagaajiyaa Guddiga Doorashada Puntland ee KMG isagoo arjiga ku lifaaqaya caddaymaha iyo qoraalada soo socda:

- b. Goortii iyo goobtii ururku ku qabtey shirkii aasaaska ururka ee ugu horreeyay.
- t. Liiska magacyada aasaasayaasha ururka, Golihiiisa Dhexe iyo kan Guddiga Fulinta iyo habkii loo doortey hawl-wadeennada ururka.
- j. Qaab-dhismeedka ururka oo ay ku caddahay magaca ururka oo dhan iyo habka uu u qormayo marka lasoo gaabiyo, calaamadaha ururka iyo hal-kudhegyadiisa.
- x. Urur kasta waa inuu Guddiga u keeno 10 nuqul oo daabacan ee xeerarkiisa iyo qoraal cinwaannadiisa gobolada iyo degmooyinka dalku ay ku dhan tahay.
- kh. Urur kasta waa inuu keenaa caddeyn bixinta deebaaji dhan \$ 15,000 (Shan iyo todona kun dollar) oo aan celis lahayn. Lacagta deebaajiga ah waa dakhli dawladeed, waxaana lagu shubayaa Bangiga Dhexe ee Puntland.
- d. Xisbi kasta waa inuu keeno caddeyn bixinta deebaaji dhan \$ 30,000 (Sodon kun Doolar) aan celis lahayn. Lacagta deebaajiga ah waa dakhli dawladeed, waxaana lagu shubayaa Bangiga Dhexe ee Dawladda Puntland.

### Qodobka 3-aad

#### Ururada/Xisbiyada Siyaasadeed ee ku meel gaarka ah

1. Markay dhammaato mudada qabashada araajida diiwaangelinta ururada, Guddigu wuxuu hubiyaa ururada buuxiyey shuruudihii looga baahnaa, waxayna siinayaan ogolaansho ku meel gaar ah oo uu ururkaasi ku hawlgalo.
2. Urur kasta waa inuu ku keenaa mudada Guddiga Doorashooyinku u xaddiday qoraallada iyo caddeymaha soo socda.
  - b. Qabashada shirweynaha ee ururka, meeshii uu ku qabtey, taariikhduu qabsoomay iyo wixii ugu weynaa ee ay qabteen.
  - t. Si urur loo sharciyeeyo waxaa shardi ah in uu xarumo ku leeyahay Gobollada oo dhan, isla markaasna leeyahay barnaamij siyaasadeed iyo xeer-hoosaad haga hawlihiiisa, Gobol kasta oo ka mid ah Puntland waa inay uga diiwaangashan yihiin 300 (Saddex Boqol) oo taageere/cod-bixiye.
  - j. Tirada iyo magacyada gobol/degmo doorasho waxaa lagu qeexi doonaa Xeerka Doorashada Golayaasha Deegaannada Puntland.

4. Ururka/Xisbiga la siiyo ogolaansho ku meel gaar ah oo uu ku hawl-galo, waa inuu Guddigu siiyaa nuqul ka mid ah xeerkan axsaabta si uu hab-dhaqankiisa iyo xeerkiisa ugu saleeyo.
5. Urur/Xisbi kasta oo siyaasadeed waa inay xeerkiisa ku caddahay ku dhaqanka dimoqraadiyada iyo talo-wadaagga, hogaaminta xisbiguna ay ku timaadaa doorasho xor ah.
- 6) Urur/xisbi kasta waa in xeerarkiisu waafaqsan yahay Shareecada Islaamka, Dastuurka iyo xeerarka kale ee Puntland.
- 7) Urur/xisbi kasta waa inuu xubin ka noqon karo qof kasta oo muwaadin Puntland ah.
- 8) Xubin ama xubno loo doortey golayaasha sharciga ah, wuxuu luminayaa kursigii loo doortay golayaasha degaanka haddii uu ku biiro xisbi kale.
- 9) Xisbi kasta oo siyaasadeed waa inuu leeyahay barnaamij cad oo siyaasadeed.
- 10) Saddexda urur Siyaasadeed ee ugu codadka badan tartanka koowaad ee Golayaasha deegaanka ayaa noqonaya saddexda xisbi ee rasm'iga ah.
- 11) Haddii ay is le'ekaato tirada codadka laba urur siyaasadeed ama in ka badan saamayna ku yeelan karaysa soo-bixidda xisbiga 3-aad waxaa lagu celinayaa tartanka ururrada sinmay mar kale oo ay cayinto Guddigu.

#### Qodobka 4-aad

#### Waxyaabaha ka Reebban ururada/xisbiyada

- 1) Waxaa ka reebban urur/xisbi kasta inuu u soo gudbiyo Guddiga warbixin been ah ama khaldan.
- 2) Ururna/xisbina kama muuqan karto xeerarkiisa qodob ama qodobo ka hor imaanaya Shareecada Islaamka iyo Dastuurka Puntland.
- 3) Urur/xisbi kasta waxaa ka reebban inuu dhaqaale ka helo ilo shisheeye ah oo u adeegsado hawlihiisa iyo dhaq-dhaqaaqyadiisa siyaasadeed.
- 4) Urur/Xisbi kasta waxaa ka reebban inuu hantida qaranka Puntland u

adeegsado ama u isticmaalo hawlihiisa u gaarka ah ee doorashooyinka.

- 5) Urur/Xisbi kasta waxaa ka reebban inuu adeegsado koox ama ciidan hubaysan oo uu ku fushado danihiisa gaarka ah.
- 6) Urur/Xisbi kasta waxaa ka reebban inuu leeyahay ama ku sifoobo muuqaal Ciidan ama qabiil.

### **Qodobka 5-aad**

#### **Waxyaabaha lagala noqon karo ama uu ku waayi karo agoonsi urur/xisbi siyaasadeed**

Guddiga Doorshadu wuxuu awood u leeyahay inuu kala noqdo aqoonsiga urur j xisbi siyaasadeed markey caddaato waxyaabaha hoos ku qoran:

- 5.1 Inuu jabiyey mid ka ah qodobka afraad;
- 5.2 Markey ururka dhexdiisa ka bilaabato khilaaf keeni kara xasillooni daro, xalna loo waayo.

### **Qodobka 6-aad**

#### **Xuquuqda ururrada/xisbiyada siyaasadeed**

UruradajXisbiyada siyaasadeed ee la siiyey shahaadada xisbinimo slyaasaaeed, waxay xaq u leeyihiin :

- b. Inay si siman u adeegsadaan warbaahinta qaranka, waxayna yeelan karaan warbaahin u gaar ah markey ogolaansho ka helaan hay'adaha ku shaqada leh.
- t. Inay si xor ah u gudbiyaan afkaartooda siyaasadeed iyagoon wax u dhimayn xasiloonaada iyo nabadgelyada guud ee dalka, isla marakaana waxay masuul ka yihin wixii dhibaato amni daro ah ama dhibaato ah ee ka yimaada taageerayaashooda.
- j. Urur/Xisbi wuxuu soo bannaan bixi karaa kadib markuu lasocdsiiyo hay'adaha amniga ee goobaha ay joogaan.
- x. In aan la cabudhin Karin lana xidhi karin xisbi haddii uusan jebin qodobka 4aad ee Xeerkan, hanti gaar ahna wuu yeelan karaa.
- kh. UrurjXisbi siyaasadeed dhaliil wuu u soo jeedin karaa ama wuu dhaliili



karaa xisbi kale ama xukuumadda .

- d. Ururadu/Xisbiyadu wixii dacwad ama cabashooyin ah ee ay ka tawdaan shaqada Guddiga waxay qoraal ahaan ugu gudbinayaan maxkamadda sare ee Puntland.

### Oodobka 7-aad

#### Murashaxiinta u tartameysa doorashooyinka

- 7.1 Qof kasta oo muwaadin Puntland ahi wuxuu xaq u leeyahay in la doorto, waxna uu dooran karo, hase yeeshee waxaa murashax noqon kara:
- b. Qof ah muwaadin Puntland, urur/xisbi uu soo sharraxday, buuxiyeyna shuruudaha dastuurka iyo xeerku jeediyey;
  - t. Waa inuu yahay Muslim kuna dhaqmo diinta Islaamka.
  - j. kana fiyow yahay Maskaxada
  - X. Waa inaan xukun maxkamadeed oo kama dambeys ahi horey loogu xukumin;
  - kh. Waa inaan da'diisu ka yareyn 25 sano.
  - d. Waa inuu ku leeyahay sumncad wanaagsan bulshada dhexdeeda.
- 7.2 Guddiyada ururada/xisbiyada ee gobollada/degmooyinka ayaa soo magacaabaya murashaxiinta heerka degmooyinka.

### Qodobka 8-aad

#### Dhaqangalka

Xeerkan wuxuu dhaqangalayaa marka uu ansixiyo Golaha Wakiilada Puntland, Madaxweynuhu saxiixo, laguna soo saaro faafinta rasmiga ah ee Dawladda Puntland.

  
Dr. Cabdiraxmaan Maxamed Maxamuud

Madaxweynaha Dawladda Puntland

